

百名家詩選

百名家詩選

福清魏憲惟度輯選

嘉善魏學渠子存宜興莫大勳魯巖

叅

晉江陳寶鑰綠厓江夏程封石門

柯

聳

字岸初號素培嘉善人

春陵署中有隙地構小廬三楹以竹爲椽
上覆新茅庭前雜樹數枝青翠欲滴室
中一榻一几公餘獨坐脩然幽遠不減
築室深山也詩以紀之

亦欲構華軒重念力役苦旬日遂成廬短牆聊
築土竹枝密作椽大者編成戶覆茅蔽寒風經
雨隨時補自喜冰署中幽曠同村塢夙昔無俗
情冥坐遊皇古披吟足賞心草木靜爲伍小鳥
啄簷前林烟光欲吐積翠疑山深絲桐靜可撫
高卧夕涼陰我友懷巢父多謝機心人擾擾奚
足數

讀魏崑林先生觀始集詩選題後

皇風衍八紘英靈奮河嶽不觀正始音安知大

雅作副相廊廟才幽尋肆探索詞林推鳳麟雅
奏在韶濩爰陳南海詩廣張洞庭樂譬彼荆山
璆圭璋方在握譬彼清廟瑟朱絃何澹漠聞氣
良所鍾窮神洵靡忤伊予秉微尚風雅慙末學
遠藉瑤華披相從事鏤錯

與準菴夜坐述懷

昔歎子無恃今傷我無怙物換星移能幾時須
史霜鬢傷遲暮子旣生來鮮弟昂嗟予有季淪
黃土形單影隻多悲辛以我較子情更苦數年

游宦老風塵傷哉北門嘆終窶憶從前歲赴三
湘歸心時夢斑斕舞何期執掌忽九年高堂色
笑杳難覩雞豚恨不逮親存楚臺一望摧肺腑
爲人爲子竟若何事死事生誰比數黃河之水
漉沉流泰岱峯高衆山俯山高水長無終窮此
恨何期渺千古從今築室鶴湖濱誓墓終當學
老圃子其努力致青雲嚴君堂上日方午他日
飛騰會有期莫忘今夜聯床雨

途遇漕艘有感

盡日南行大河曲輓漕灌輸千萬舳連櫓競進
勢排山路傍觀者惟側目若輩貪橫久成習聚
族舟中如比屋國家養兵需軍儲當事但知
勤督促誰知小民良苦辛官胥虐民同凡肉徵
輸不得待秋成猶恐愆期事敲朴每儲水次待
官軍成例相循往難復官軍運米非一朝一石
才能致一斛歟揚糠秕猶不堪民間粒粒皆珠
玉中人借貸稱倍息貧者流離路相屬徃徃誅
求及親戚鬻賣子女猶不足况兼額外多橫索

半爲吏胥飽其腹水旱之時令愈嚴鉅無斗儲
盡無粟猶狀窟穴爲利藪愚民惟有吞聲哭臺
臣二周古遺直繪圖入 告慘難讀豈期奉行
多空文後來不戒前車覆卽今萬艦如雲飛公
私捆載相馳逐相看盡是民脂膏美食鮮衣徧
僮僕東南民力今已竭莫遺哀鴻遍山谷願言
廟謨多講求撫綏終爲蒼生福

天台山歌

客有言天台之勝者作歌紀之

平生游覽事探索南登武藝北恒嶽匡廬瀑布

幾經過黃鶴仙人殊不作一從宦轍走風塵客
山可望不可親出入京華走吳越馬蹄躑躅摧
車輪聞君稱說東吳勝聽之不覺開心神金庭
秘府神仙跡桐柏山頭風歷歷曾從華頂望蓬
萊瓊樓玉闕浮烟開赤城霞起臨天臺顧視九
域如織埃石梁天半杳可覩九華真人安在哉
迢迢勝地不得上使我沉吟一惆悵杖策經過
定幾時雲山滿目知無恙

瑞芝歌

誰移五色芝下種萬古丘黃如蒸藟綠碧油時
有仙人來敖游六英九莖似十洲鳳雛啣尾聲
啾啾吁嗟金母去瑤池馬鬣西風靈草披絳雲
奕奕紫珠垂氤氲香氣堆琉璃君不見北海孝
子廬墓時靈芝燦爛光威蕤海上神仙徒爾爲
望鹿門山懷孟浩然故居

鹿門山色遠蒼蒼小隱巖薺薜荔牆斜分荅壁
爲門廡雜構辛搢葺葺房當日上書不得志高
卧山中製荷芰雲夢八九在胸中惟曰不才明

至棄自是泉石有膏肓世人那得知君意我來
不見龐德公微雲疎雨列梧桐爲誦襄陽驚人
句歌聲若出幽人宮嗚呼孟子旣云沒祇今風
雅誰爲伯騷人倘作鹿門遊指點飛花是故宅
霽園

高天明霽色宿雨散春城寂寂林亭下交交山
鳥鳴日斜流水緩風動落花輕何處堪垂釣滄
浪信有情

長安道

長安十二陌車馬日經過上客青絲轡佳人白
雪歌城烏寒更起宮漏夜應多雲散朱門裏春
風奈樂何

乞假歸舟咏懷

人生貴適志歸去卧東臯囊貯韓康藥門盈仲
蔚蒿山川容嘯傲舟楫慎風濤好憶幽栖處冥
鴻一羽毛

夙有煙霞好年來意更親琴尊畱卧病松菊未
全貧莫漫福衡刺寧聞庾亮塵桃源歸卽是不

必問迷津

春游祠

上巳屬芳辰清明接仲春
御車青草岍盡舫綠楊津
水上聞歌伎花中山舞人
城南關雞道何惜往來頻

贈張素存年翁新婚

冰壺清照畫堂陰掌內明珠入上林
百子帳開留半臂五絲纓細結同心
瑤池初進仙姑饌藜閣兼收女史箴
屋是黃金人是璧鳳凰臺畔正

春深

復漢光武廟祀

城南三十里爲白水村漢世祖發跡于此上有廟祀

久廢余至始脩復之

漢火方炎鼎忽傾幸逢真主應圖生赤符伏處
開龍塚白水流來擁鳳城當日雲臺將玉珮祇
今畫壁拂霓旌春秋俎豆長新地父老猶傳長
厚聲

憶西溪小築

築廬僻在邑西灣寂寂荆扉盡日關時爲肩梅

尋野渡或因採藥一登山庭餘石壁留琴坐
有幽人放鶴還歸去不須向累皐飄然長嘯白
雲間

擬唐人長安春望

柳散秦川曙色開百花初拂翠輿來侍臣會諫
長楊獵上已還流太液杯龍闕日華高露掌鳳
城春樹隱風臺宸遊扈從多詞藻應制誰稱
作賦才

贈宋牧仲世兄赴任黃州別駕

洛陽才子乘風去
贈爾歸鞭汴水東
話別夜深梁苑雪
持裝曉拂楚王風
不嫌司馬稱方外
且憫題輿識治中
試問呂虔刀尚在
好將勲業繼三公

萬壽節早朝大雪

金鑰風微玉漏殘
披裘猶覺曙光寒
月明瓊樹棲烏起
花暗瑤臺立馬看
已識神車來四海
故教鶴蓋擁千官
共欣萬歲陽和節
紫禁凝華春未闌

出都留謝臺中諸公

離亭蕭瑟動秋風
帳飲青門夕照紅
八月仙槎秋水濶
千家砧杵暮烟空
河梁惜別存知己
海內論交有數公
烏鵲南飛渾不定
啼聲疑同柏臺中

西谿小築

新成小築傍城岡
野竹蕭疎隱者居
半嶺夕陽明紫翠
平橋飛閣映芙蓉
登山時採灞陵藥
臨水思觀濠上魚
自許元卿三徑在
羊求今日定

何如

小閣凌空枕碧虛四圍青翠襲人裾簷飛帆影
開簾過坐拂松聲帶雨疎早歲耕田惟種秫有
時課僕且栽蔬莫言高隱閒無事每日勤繙種
樹書

歸歟三徑已榛蕪小葺幽棲聊自娛庭立石峯

堪作丈門臨溪水亦名愚堂畱雪滌

堂名

看山色

閣望涵虛

閣名

入壽圖十丈紅塵高馬骨清風吹

到草廬無

卜居西郭半村中幾曲清谿一棹通
度壑鍾聲蕭寺外穿林塏影小樓東
樹因初植偏宜雨竹自新移却畏風
倦起偶來松下坐農歌處處屬年豐

觀采蓮卽事

太液池分碧澗開榜人何事弄波來
恐驚舟畔羅裙女棹入深谿不肯回

西湖雜詩

遶堤花柳昔曾諳搖落于今總不堪
惟有西泠

橋下水送君湖北又湖南

懸崖百丈隱深松天上飛來何處峯更望雲林
最高頂夕陽遙度虎谿鐘

荷花覆水白蘋嬌水滿重湖入望遙日暮采蓮
歌未歇不知何處好停橈

才子乘風踏玉沙迢迢靈漢鼓雲華豈真賦命
人琴絕江筆年年記落花

小引

魏子曰江右人文淵藪也瀏覽往牒自南州高士後五柳先生傑出于義熙之間有潯陽三隱四隱之稱鄭鷖鵠楊童子鳴于唐江南夫子臨江三孔歐陽六一文山疊山鳴于宋至元室而浸微矣艸廬先生猶能閉戶著書收一時重望明興專尚舉業陳羅章艾起而羽翼經傳爲陸文安羅近溪功臣近代匪石君緝太虛雪堂巨源茂先于一士業博菴諸君子擅東南之譽余

詩持之選固已論次之矣壬子寓衛錦來毛先生憑太守程念伊寄示近集數種一曰李平暇墨平劇郡也詩成于兵刑岸獄之餘其心定其氣和其神暢則性情適于中而聲音發于外先生固自序之矣一曰金門暇墨則先生以循卓膺

墨書爲大行時輶軒採風之詩也恢喬怪險輪囷離奇多古人所未道者衝口直說輒有神詣蔣學士又道之矣一曰病言則先生假歸操壘

驢背扣舷月下用以佐岐黃而代刀圭者也楊
柳雨雪之思黃草蒼葦之感而總歸于和平正
直忠孝油然而能少宰復嘖嘖稱之矣今先生
補銓曹總楚閩入以應明良喜起之賡出以寫
山川景物之麗其爲詩富有日新非小子之所
可測者昔于鱗談詩最稱余德甫爲大江之西
一人使于鱗生于今日得讀錦來雄篇又作何
想也余因論次是集益不勝匡廬彭蠡之慕矣

百名家詩選

福清魏 憲惟度輯選

栢鄉魏裔魯竟甫 南安傅爲霖石漪

黃岡程啟朱念伊 南城吳學炯星若 叅

毛 達 字錦來新昌人

己亥九月登高姑射山酌平泉亭上

危亭跨亂水影靜碧潭空
溜響泉花白霜飛柿
葉紅人來姑射外酒坐菊香中
顏色聞仙好憐
余那得同

雲

膚寸合山巔卷舒自寂然無心開洞壑著意掩
山川攜得應成雨夔歸欲放天與君曾有約伴
我客窓眠

夏雨

嶺頭欲暗疾風催百里先吹雨氣來蹴蹴蒼龍
蟠日影呼號滋豹動山隈彩虹飲澗千尋下布
鼓鞭雲萬道開頃刻紅霞天外散新涼荷畔晚
香回

庚子中秋 闌中作

棘闌庭敞月當頭影倒奎懸百尺樓代闕雲開
方渡鴈星河水涯擬乘舟時名幾許儔先進秋
色誰憐向獨愁纔罷較文方勸酒隔簾莫問夜
沉浮

微雲初澹見飛蟾吹滿寒波十二簾漠漠桂芬
隨露下熒熒爇火隔窻添澄懷坐對千秋月得
賦宜傳一字縑靜夜庭空明似水踈星數點上
前簷

登汾陰祠秋風樓

漢帝高歌動白雲
滿天秋色起河汾
佳人隔水搖蘭漿
壯士沿邊怨鴈群
艸木多愁因笑樂
山川有淚失功勲
中流不似瀛洲好
后土祠前已落照

擬隋宮艷詞

夜靜簾開水殿紗
月中攜手坐羊車
喁喁笑語調宮婢
吃吃低聲歎內家
九曲池邊比翼鳥
萬年枝上合歡花
君王但與儂偕老
莫向人前問

麗華

山莊

雲邊屋角樹邊扉
窈窕疎籬夕照圍
黃犬經年無客吠
青山盡日等人歸
榆添酒價錢頻落
柳贈春寒絮特飛
笑引君來須款步
穿林猶有釣魚磯

宿泓芝驛

古驛庭枯老樹柯
蕭蕭風雨繫鳴騶
參差斷碣留蟲鳥
長短荒牆覆薜蘿
滿目井厨誰是主
破

窓星月自相過傷心亂後皇華客看遍青山淚
眼多

藐姑射山六首

日出霍峯頭彩雲蟠其下光暉映城隅藐姑相
照射恍惚見仙人玉顏殊蕭灑醉倚白鹿肩縱
橫同騎馬

十載訪丹丘夢魂殊勞瘁不意藐姑山相呼入
坐睡仙人逐日來微言授天吏無妨筆如刀但
寫活人字

姑山臨汾河綿疊數百里其間冰雪姿居處無
定止倏見山之陽相招隔秋水心容永潔清願
言余與爾

襄陵有平泉出自姑山麓幽房結共巔疑卽雲
霞屋美人從中來芬芳散林木呼我臨清流携
手照心曲

姑射產群芳琪花及瑤艸仙家棄如蒿不必費
尋討世人事服食安保顏色好笑示不死方教
余卻醜老

或言汾西縣舊有藐姑里玉人邈難求至今遺
銅槌著之如輕綿可以涉雲水延佇待雙鳧朝
暮常徙倚

壬寅中秋宿洪洞郵署時大雨連宵

中秋不見月萬里皆靄靄長天無顏色佳節但
淒清况復宦遊者驅車道路行登山愁顛躓涉
水慮浮沉薄暮望城郭烟雲濕遠林中宵息郵
署落落數蕉聲后土何時淨嬋娟不可親把酒
灑空夜願早見天心

寄跡藐姑下四載接清秋
年年在道路得月增
離憂今夕憂未損明月復難求
旅情烟霧外秋色雨聲收
何處聞砧杵誰家憶畫樓
長安亦如此萬里使予愁

秋思憑月色好景托金閨
疇能隨風雨况復作
鷄棲郵亭酒冷後客路夜寒時
宦態搖銀蠟鄉
心問木樨一聲新鴈落愁殺并州兒

月圓必天上其奈密雲多
何事妒佳節愁予問
碧波庭空偏集雨酒冷不生酡
猶憶深閨語遙

憐子夜歌人生殊恍惚此夕更如何

過堯祠

我方驅車古唐國每頌唐風思儉嗇朝出神京
望帝丘遂謁堯祠慶都北吾聞帝德莫與京唐
風今在平陽城未識堯所治先問堯所生天地
混沌何所始多生聖人固爾爾世去軒轅曾幾
時地近伏羲不數里是祠未知何代之所營茅
茨不剪土階平特與聖人留儉德數椽無事斲
削成慶都城中猶有一坏土不稱帝妃稱堯母

厥母生堯如與萬世生一天不羨女媧徒能煉
石將天補堯母墳邊守塚無半戶堯祠之中歲
時伏臘亦無污樽與土鼓或曰若是天地遷流
而無處雖以開天之聖亦似乎莫能自爲主吁
嗟乎孰知母可以不墳堯可以不祠大德無名
自終古

過韓信嶺歌

甫出靈石郭西上靈石山山水相紆曲路在巖
崖間歷盡巖崖上山頂肅肅陰風空谷冷開漢

將軍舊有名嶺名今以將軍命墓門古碣自千
秋寂寞荒祠坐道周半是漢儀半胄士祠中偉
人淮陰侯漢家盡欲烹走狗陰謀遺計屬呂后
血雨朝灑未央宮怨氣夜傳河東首曾聞班師
自平城河東傳首適相迎沛公上壽淮陰死猶
是當年臣主情將軍天姿本超邁意氣橫吞六
合外年歲未深學問寡功名遂讓純臣輩將軍
不負漢漢實負將軍心跡本易見議論何紛紜
九里垓前半生苦收拾河山歸共主酬功不列

五等封埋頭止有
一坏土千巖萬壑聲
淒淒如
聞鐵騎侯夜歸
祠中枯樹烏飛啼
日落躊躇壯
士悲

山居

青山團團四邊起
山下幽居深樹裏
皎月上東方
穿林早見光
庭前山翠瀉
四時如無夏
我愛
庭內人不識
漢與秦

城居

城居失節侯
益草學園林
榮落自昏曉
收藏足

古今士微知地力物小見天心靜日成幽賞閒
情處處深

庭樹

城居得好樹深夏鬱庭前曙影長驚鵲餘暉夕
噪蟬暑清拋葉雨日暝遶枝煙冷暑塵緣少當
窓儘晝眠

題蘆雁圖

秋風初起塞門開月落霜寒陣陣催蘆葦有情
隨意宿稻粱可飽莫聲哀長江萬里同天地遠

浦孤帆任去來誰說衡峰霄漢上幾經飛過未
曾迴

坐費

坐費行人祿終年未出都無書堪論蜀有葦莫
航吳天際雙星隱周行四牡孤時平詔令少柳
雪不歌途

署冷

署冷非通要官卑得自如晝眠羞暴棄兀坐損
君諸食祿無聞政消閒止讀書誰知鵷鷺序亦

有清虛廬

迎喜神曲五章

欲曙兮東窓盥蘭湯兮出洞房步容與兮中堂
羗翹首兮何方紫氣遙集兮思欲狂神將至止
兮自無愁之鄉

季季兮愁何多看花不馥兮飲酒不酩僉云擾
我兮花風酒魔揮之不去兮降不和振大勇兮
羯鼓頻撾散花酌酒兮發浩歌神將至止兮我
樂如何

酒醖兮花稠衆方嘒嘒兮我獨不本無所撓於
中兮曷抱杞憂反覆思惟兮莫得其由願載愁
雲於風車兮散之海漚神其許我兮盼雙眸
望神兮久在雲端雲師豐隆兮障隔余看神欲
急下兮故令盤桓予辭懇切兮託以青鸞笙簧
具奏兮幡幢盈壇聞感予之順若兮諾予交歡
神將至止兮彈余冠

神果釐降於庭兮喜氣雲流笑語喁喁兮意態
休休都麗婉孌兮侍從怕柔命發千鈞之金鑰

兮先我肩頭贈璫花以盈把兮載玉液以盈舟
謂自今以往今俾所遇之悉投內外和平兮壽
而修挾青龍而騷白鹿兮同笑傲乎方洲

家書至

僕來方繫馬相視語喁然棠棣云偏好松筠得
晚妍情勤詢國課饑飽問鄰烟無限沉吟者持
緘未發前

皇華詩十二章

大婚

上林祥發合歡花鳳輦宵迎萬炬紗宮府喧闐
開紫 詔絲綸慎重遣皇華備員金馬因承
青鳳駕星輶得泛槎喜頌開雒江漢滿閭闔有
室盡宜家

加徽號

靈長世澤頌姜嫄踐祚于今屬 聖孫孝治以
先惟報本承歡罔極又加尊 詔裁雲錦行行
燦語挾春風字字溫載路臣民歌樂只 天家
有道位乾坤

戚里

皇家戚里在鳴珂選淑還應出伏波一德何煩
冰下語兩宮親執月中柯椒房好禮羞田竇
樛木長季禱薦蘿爲說徃觀扶杖者聖躬多
豫有共和

奉差

太史省占兩曜開雲房選駿出金臺爲傳天上
宜春曲大賜人間合卺杯織女機絲分百辟恩賞
賜使星車蓋近三台聖朝恩德同民樂不教
緼

深閨賦標梅

山都門

近臣授 旨下黃扉拜 命嚙恩別禁闈扈從
頻分天使賜旌旄遙引御香飛戒途虎賁馳風
雨拂樹龍旂染露晞道左呼嵩觀禮肅連程警
蹕舞朝衣

郵亭

一望秋郊霜樹丹使臣旌節近天看雲龍曲護
金章麗班馬長嘶玉勒寒回首禁城思縹緲傷

心古驛路漫漫計程靡及祇王事夙夜猶懷
敢自安

山固關

重門候吏迂開關平水勞人是舊顏似異昔來
饒紫氣但憐相識盡青山登臨半入詩歌久車
馬曾經道路閒纔引清光飛月殿又隨雲影日
邊還

入晉

三年奏績入明光再捧丹書下晉陽快覩使君

迎父老歡騰察察間 天王烟山猶紫前來路
霜葉偏青別後棠懷我并州縈抱久故人又喜
話農桑

開讀

五雲初下晉陽城簇簇旌旗夾路迎侍衛前驅
天使至將軍親執鼓輦行問安各致臣衷切授
詔咸歌 帝室寧早慰諸公心魏闕 聖人有
道日崢嶸

答父老

桃夭吉禮備三千六合方同大酺年已拂天風
行草木未携膏雨足桑田况聞晉鄙多鴻雁恐
有窮廬望賜綰捧得新嶮遠舊地敢煩父老
問車前

別并州

滿城車馬動轟雷傳送使星天上迴爭挈壺漿
傾大斗共瞻旌旆陟崔嵬仙人未去姑山久寶
鼎還浮趙曲來莫迓臨岐無慍色笑顏止爲并
州開

復命

乘郵又早入 皇都往返山川雪載途多少蒼
鷹方健隔不無馴雉尚將雛空持使節傳天
語未許書生繪畫圖敬捧黃麻歸紫府莫舒一
得補宸謨

看秋葉

秋入邨林遠近分半紅半紫盡霜文畫圖若遣
添顏色幾點青松鎖白雲

宿新樂郵亭次壁間舊韻贈新樂令

山城如斗水西偏水面雲橫山面煙鷄犬似聞
邨落近郵亭只見短長連孤槎夜泛疑天末魏
闕時懸向日邊何幸得同循吏語爲人芻牧祝
惟年

滹沱河渡水橋

恒山風落後滹曲盡層冰水面雲生足波心雪
照乘孤踪堅可信鼃背滑難憑緩步馮葵穴濤
藏不敢興

當鑪曲

酒霧鑪雲香裊然當鑪雲擁月中仙似憐醉客
溫存甚故送罵聲喚酒錢

長門怨

嫁夫不過天子止住屋不過黃金裏妾道天子
卽是天天上春光由妾使自從癡笑入宮門春
光曾使幾朝昏倏忽新花變腐草盡產流螢消
秋魂可惟妾家姑姨每但羨宮中春似水那知
簫鼓宜春殿只隔長門秋一紙

立仗馬

恭和殿前立仗馬奚官率來赤墀下玉龍千道
下晴空練光照耀鵷鷺中翔鸞龍文雲五色黃
金絡首白玉勒首昂步濶豐其膺意氣已足空
同羣一從列隊金門裏令人相逢不敢齒自是
致身高百尋豈因買骨重千金誰能如君多厚
福終身坐食天廐粟

嶧山

截然三四壘箕踞倚青天瘦削因奇峭孤高得
斷聯一峰開洞壑數點弄雲煙自古鐘靈異名

山以大賢

招燕

鉤簾招燕入簾動燕還驚棟宇雖依舊主人未
分明招我知非惡我心自不寧徘徊欲遽舉嗽
唧復悲鳴往事多艱苦舊巢費經營恩愛豈忍
割去就難爲情直待主人見低昂下庭楹鼓翅
鳴原壘拂拭梁上塵

小馬

小馬高麗騮行春去玉河鳴風驕滿路飲澗健

凌波安步尋山穩危橋得力多相依同遠指徑
入白雲窩

東風嘲

日日園林葉未分常將花信報慇懃如今吹向
枝頭盡開落還應只恨君

東風解

無奈司花各有神東君不厭百花新請看枝上
紛紛落猶戀春風舞向人

昭關吊子胥二首

丈夫當偏側掩淚渡雄關去國愁名姓亡人怯
面顏肝腸爲楚裂鬢髮到吳斑天遣憂諸夏知
君未可還

月落重門曉鷄鳴壯士悲途窮銷智勇怨重上
鬚眉一死哀漁父扁舟愧子皮吳宮賜劍後應
悔渡關時

小孤山

玉女盆中青菡萏飛來一枝滄波點四時無葉
花不開搖蕩天光水深淺銀山雪浪相飛翻

龍出沒江天昏蒼翠不動煙霧裏陽侯守護孤
根尊茵蔯峰頭如絕壁僅容一瓢與一錫夜深
只是龍姑來相候僊人吹鐵笛鐵笛一吹萬籟
空江風不起月明中西向唯有匡山在舉手遙
叅五老峰

小引

魏子曰余髮未弁受知于陳雲從先生每爲余道我存成公莊莊恂恂所進未可量也迨公舉制科將代廵入閩人莫不以赫奕擬之公至而恬穆若素士謙撝之度惇摯之懷全閩共見向之憚其赫奕者轉而愛之慕之不啻赤子之投慈母謁然親矣記重九之日公課士于明遠樓自爲詩四章令諸生屬和儼然平昔舊交澹筆硯于几席刊布八郡爲詞壇佳話余時以讀禮

山中未預盛典時從都人士花月之夕取而讀之信雲從先生言之于三十年以前者符之于三十年以後也近旅天雄與王汝言陳蘭涯諸君子詩文相玉每憶公丰采未能縮地一晤適衛司馬梅邨李公以介使持公新詩見示如率巷慙舫初園足半等集皆至情之言動協風雅絕不類時俗粉飾務纖趣以媚當時急壽諸梨報梅邨曰詩樂之始也余嘗審音樂以觀詩爲燕也石爲已也瑟爲牙也琴直以一音取重卒

之舞百獸和神人出流魚仰秣馬莫不入神今
讀成公詩一以正始元音廣吹天籟譬集笙鏞
鐘鼓于一堂而莫之與易也又何俟吳季札觀
之而後知爲洋洋大國風哉公貽我多矣

百家詩選

福清魏憲惟度輯選

含山李裏燦梅邨閩縣陳偉蘭涯

侯官王綸汝言內江張祖詠又益叅

成性字我存號率菴和州人

思祖詩

此身何以生曰惟予大父方予六九齡相繼失
恃怙祖母時亦亡我祖益復苦天蹇一老翁白
髮哺雛羽孫喜固惟歡孫哭亦不怒言及我二

人潛焉涕如雨念家有孤兒晝遊不過午念家
有孤兒夜飲不待鼓積銖供吾衣損箸增吾脯
我時在童蒙安知祖艱窶非無粟盈倉我祖市
于釜非無筭滿裳我祖衣自補初予就塾時終
歲通八股我祖袖示人私心竊自詡謂我有此
孫差能立門戶河清難可期我壽幾入土乙亥
和陽凶秦寇環城堵獫狁而食人耆老膏其斧
持戈索祖金祖金將奚取我祖詈且號爾賊何
狂瞽我家世儒生忠義相傳譜爾殺則殺之子

豈受爾侮予時見祖傷胸脊千萬杵反刃賊未
能殉祖思無補拊軀在布衣慷慨有誰覩每念
我祖恩立身益自努弋獲此蝸名差言繩祖武
我願化麋鹿遶墓時麋麋我願化長松柯葉蔽
我祖我願化溪流紆回逐桃塢我祖墓所此身何以
生曰惟予大父

同友人泛舟湖口值邨翁進茶相與談閑
事有感

不爲窮所驅胡來此山谷荒闌日已西相攜幸



不獨泛舟我言旋中有愁百斛疲邑無仁民兵
戈生詆譏潘雨漲汙田新舊不接穀乾坤當變
更生人半艸木有子入公門富貴在頃倏喜能
令人生怒能令人哭拙士徂平時區區守誦讀
舉世槩煥涼文章道日蹙遠涉忘歲時驚聞六
月六細霖絨平湖輕煙起遙麓闕口一老翁向
來曾止宿露頂捧卮茶而意甚恭肅攜酒促我
醒我夢呼童僕一飲湖西園再飲陰雲暝醉看
水連天收來可盈掬

行路難

君不見船下柁移右復移左君不見天上星在
隅還在庭世情原自有更變刻舟求劍徒冥冥
進可帝師退可釣徒步何辱車何榮

言志詩

智士各馳騫我拙願居後高車非不榮仁義亦
還有代種鄉里田偃臥門前柳釣魚古荒溝春
米鄰人白賃地作閑園秋瓜與春韭種黍寧種
秫秫多可爲酒交人但交老老翁益人厚野花

遍山岡不必植座右飛禽集高樹何用籠斯守
兒女自長成會須各有偶嘗笑尚平愚問他婚
嫁否褊衡終不遇趙壹徒自負高聲讀離騷屈
子吾老友我性本疎直生平絕矯揉百思無一
長其心同敵帚買人未獲雉匹婦不開口聰明
無一言叔向安攜手有才耻自鳴所以成腐朽
不知世路艱直自如山陡迂儒困常調誰肯執
其咎展我當年書開我昔時牖閉戶謝時人冷
煖均弗受城中似海蜃一任市樓阜清淨吾所

宜絕跡不之走我心良易足足意在升斗虛生
爲世累但願得中壽筋骨豈好勞命合止野叟
未審千載下知予爲某某

讀古詩歌

古來稱大篇杜陵太白退之傳乃知此道不從
奇才異手出畢竟脆格軟調難精堅我觀諸公
之所作或如孤雲出遠岫或如瀆流尋巨川或
決然而騁如駟驪之奔軼或溜然直下如輕帆
順水之風船或朗如初吐之月或澄如晚霽之

天或殷殷闐闐如短兵簇矢之相接或峩冠博帶如嚴君神明之在前或奇可而怪如松鱗石鬣之不可狀或澹然而寂如深山窮谷不記甲子之枯禪諸公佳作自無敵余亦未能覩其全長恨古人不識面但於文字相周旋聯絡先後須天眼千秋萬歲當比肩時流雷同那可說少見多怪心不然余因偃蹇充歲月趨賢則驚趨勢屏而今冰鑑寃誰是吾寧蓬頭垢臉羞爭妍羈魂艸艸白日臥逋愁千萬何時蠲散復散顛

復顛太倉一粒異有焉功名富貴若朝露昨日
縉紳今已悛惟有立言庶不朽苔痕剝盡猶鮮
鮮

苦水歌

京師有苦水之稱因見鬻水者戲而作之

欲爲盜泉恐傷廉欲爲溫泉羞附炎名隸五行
井作苦轆轤如泣聲漸漸役車載滿苦不盡日
復一日還相添嗟爾爲水勿復嘆井深不食爾
何嫌水之族類遍江海井可爲酒醖可鹽居人
用汝作湍浣含垢納汚心自厭

寄傲

手不握刺惟舉卮足不趨勢惟念微口不議俗
但說鬼目不耽古肯覩誰此身三百六十節節
節帶傲與人違子真變易姓名去康伯遙遁何
所之遭逢百倍此二子安能自棄聖明時白水
浩浩聲鳴咽駢馬不來遲復遲讀書旣久成滯
物膠心應世難推移長鋏短檠歌不盡秋風江
上鯉魚肥

憶燕山除夕

時南歸家告

憶在燕山除夕時秘書公退晚風颭身因異地
傷懷抱句合同人賤別離半卷欲清兒女夢一
燈空冷利名悲常騎老馬嘶前櫪不爲朝叅尚
起遲

坐徐子星世易堂

經時不見事尤奇我輩交情天下知在客幾曾
形彼此歸來猶恨羽參差片帆滿載三秋夢杯
酒難寬兩地思更喜君家兄弟好故人因得附
壩筮

客銅山有感

出門有礙便同車信我從來世法疎
薄宦數奇惟感慨孤根獨立耻吹噓
是書可借消閒晝非酒無爲到客居
淡月不知何所事較將生計拙
樵漁

瓦官時爲友人謀納婦

留得黃庭未請攤行來臺榭已多殘
踟躕粉黛虛金星信宿煙雲愁瓦官
脫俗有僧偏重客催茶無酒亦成歡
龍泉掃葉知誰處風雨依稀午

夜寒

夢爲僧

蕭蕭蘆葉古灘頭
清夜移人野寺幽
半世功名寒似石
一生心事澹於秋
羞將異骨劇妻子
喜共殘僧飯麥麩
夢裏鐘聲剛未歇
蛩吟依舊響啾啾

偕徐子星坐城頭
茵落葉作竟日談
驟雨始下

家無勝地只城登
敗葉敲頭坐我朋
詩思轉因

秋思減雨聲猶共友聲增年來異已空三費幾
處同心此一燈夜夜興歸樽後句不知可記醒
時曾

遊天門

在郡西南卽青蓮題詩處予醉臥其上十日

咫尺未經天外世不期今日遂疎狂煙迷野樹
楓林綠水漾秋江秣稻黃晚浦漁人頻下網急
流舟子便揚帆歸來懷抱無如此惟有天門重
歷陽

遠猥

由來不慣語寒溫南北居行總閉門古道如犀
成黑暗犀曰黑暗小言似犬吠黃昏酒瓢徒有宣平
在詩友今無夢得存新歲舊顏何可問雪深殭
臥懶加殮

曉醒有感

還將古調向人彈獵酒行來最易乾前市車譁
今似昨北窓風戰火愈寒自分鉄骨難工嬾何
處灰心可卽安世路莫言多嶮巇雪甌無數小
噴吮

雨過

雨過涼生日影移
霎時秋氣襲人衣
一杯送晚無他計
兩意橫中不果歸
臥杵又催羈客夢
飛鴻已厭寄家詩
平生多少難完事
遑問江鱸肥未肥

三十年來博一名
頭顱仍舊可心驚
跨臨酒海憑依隱
坐擁書城任縱橫
壯志晚隨楓葉盡
秋思遙逐楚雲生
風吹不斷堂前語
怕聽歸人問水程

夏午偶成

世態於今又一新勞勞何日已風塵當途半是
同時客閉戶難堪久住人六月泥深埋馬足十
年冰冷賦車麟莫言名事無多繫此日傷懷不
爲貧

過彭澤懷靖節先生

柴桑高隱樂衡門晉代完人千古存特爲義熙
留甲子方知太尉有賢孫才堪著作徵難就賦
得歸來意不言五斗寧將易五柳清風江上好

評論

卷之三十二

九

枕江堂

先生高義古人師酒字篇篇卒未離不解書
禪草事無絃琴隱採薇詩督郵到處輕腰節處
士于今有面皮萬里歸來三徑晚中流聊與質
心期

舟中寫懷

舟行無曆日不復記清明拜掃家兒事蕭條旅
客情長河猶見柳野岸不聞鶯剩有床頭驛無
令百感生

家鄉當此日鶯語百花明誰念吾長往應知少
舊盟無才羞人洛失意勉辭耕珠桂年年威風
波不易平

野草青於岸扁舟晚近湖多愁止自曉有月令
人孤懷土非吾志出山亦我愚難將舊面目承
睫向當途

豈是梯榮至通都覓道流饑寒賢聖事離索古
今愁壯去悲筋骨憂來懶應酬千秋知己貴惠
子得莊周

舟中憶兒生日

熊兒生此口是我北征時汝幼無親黨家貧有
薄醪故園花正發京國到猶遲老馬心常苦徒
深顧後悲

接蔚州太子書信

欲到鵝湖願竟虛關山幸不阻音書吾師莫若
蕭夫子人子當如徐仲車地薄稍能資救水時
清正可狎樵漁鯪生碌碌成何事未得安心賦
遂初

一疏潘輿許自由幾年絳帳未從游
手栽桃李知餘幾耳聽芝蘭喜競抽
欲逸眠龍雲際穩求深隱豹霧中留
危言不作庸言好

先生以
庶名齋畢竟

名山是遠謀

懷崑林先生

臨岐未得面先生知是黃花山下行
滿篋參苓皆長賜盈車梨棗半公評
從無趙至傾中散獨有中郎愛論衡
極目燕雲頻悵望高天惟見斗星橫

懷子星齊年

秦淮河畔柳依依晨夕何人爲扣扉海內無從
勤呂駕里中誰復問陶歸批鱗北闕君章在時有
刻疏戢翼東岡我願違寄語知心徐給事思君
之役常逐斷雲飛

過陳雲從先生里

富春江上太丘廬轉眼滄桑絳帳虛趙至幼邀
中散盼孔融蚤載孝章車九原不起吾知己四
海無交孰問予路出西州今再嘆生平多愧報

恩疎

初發橫江舟中作

北道塵揚便小舟依然浪迹也堪羞
踰薄宦何邕老醉放青山李白愁
時望采石一帶當路勾除忻
賽馬忘身錦繡畏犧牛歷陽朝發石頭近細雨
江心起泡漚

泊白洋河

河水湯湯日夜流荒涼兩岸一孤舟
多艱世路浮沉晚不盡憂心風雨秋
久廢那堪披故紙重

來何日問西疇子行空有勞生論不及司圖得
早休

過驪山浴溫泉漫賦

驪山烽火是何年千古興亡事渺然玉輅鸞旂
成蔓草離宮複道盡荒烟高低翠栢如新植滅
沒殘碑似未鐫一曲霓裳音斷絕浴妃池畔水
潏潏

過馬嵬坡視楊貴妃墓

一婦何關治亂無唐皇作事自糊塗荒坡宿草

樓殘雪畱得人間春睡圖

歌舞當年樂太真
漁陽鐵騎起黃塵
君恩只似乘軒鶴
到此無言謝國人

三尺殘碑走兔蹯
馬嵬遺塚至今存
若將白髮宮中老
那得青青倩女魂

憶昔明皇幸蜀年
負心羯豎起烽煙
馬嵬坡上風聲碎
疑是咸陽宮裏絃

過唐武則天陵墓有感

悍后規模亦自殊
朝官石馬列荒蕪
賓王淪落

嗟時相尚是憐才女丈夫

謁諸葛武侯祠墓

漢室河山代旣遙
武侯名字肅垂髫
出師二表傳千古
定業三分話一朝
吳魏有人非勁敵
高
光無運起炎苗
長吟絕響稱梁父
壁上琴聲未
寂寥

入棧道

客邸爲家又轉蓬
馳驅王事任西東
三春花鳥潺湲裏
萬里鄉關烟霧中
出舍每驚豺虎跡
逢

人多遇馬牛風閑來選石評高下把酒看山興
不窮

過廣元

不是艱難獨萃予生來行徑自乖疎兩京十口
千峰隔萬里三巴一紙書山國幾年驚燧火春
田猶未見耕鋤扁舟到此歸心急何處蒿深是
敝廬

棧道

鄭重曰王事馳驅愧小勤夜深人逐虎地絕棧

連雲野路花隨發
荒山火自焚
那堪行道遠
又值雪紛紛

尋石子得盈抱詠之

寂寞平沙裏
曾經幾浪過
米顛今不在
石丈竟如何
黃竹赤松伴
青山白水多
望夫疑有怨
莫去逐鳴珂

半載崎嶇裏
狂夫興未悛
忍飢尋怪石
狎虎聽清泉
路似曾遊地
山疑別是天
有身隨處好
不必更牽纏

將歸

人能幾五載可不謂睽離於外成何事相逢非
所期况歸猶暫爾旣近肯栖遲豈受微官縛終
須脫馬羈

歸心徒自急未敢向人言舊我仍頭面新柴異
里門艱難歡笑短歲月慙愚存積虱身無盡朝
朝對客捫

離家三百里近譬若升堂客久從天下心勞計
日忤江山空浩首閨牖老蓬妝試看歸來物襲

詩石蒲僮

久不經人眼
長途如閉扉
夢魂三徑遶
今昔一官微
愁與路將盡
心先身蚤歸
有兒未識父
江口候迎稀

萬里多年別
近鄉如有疑
誰將我到信
預令家人知
屢問風愁折
纔過地喜移
明朝登北岸
下馬抱吾兒

喜拜墓

桃花橋畔水
瀾瀾遊子孤
踪涕淚漚
祀缺雞犧

塵掩豆土羹馬鬣草封碑遵崖不見華來此遠
墓何知鐸在斯罔極終天餘一歎蒼蒼雲樹幾
年思

喜見子

萬里歸來叩戶扃嗷嗷家犬吠中庭慚爲人父
徒三歎孰是吾兒有四齡入剎已徵莎草夢探
囊徐出白華經抱來置膝無相畏莫把親顏當
客形

襄陽憶家

卷之三十二
桃花古塲歷陽城歲歲離家草自生村酒宜人
誰獨醉春山伐木可同聲零星杜亮憐才僕寂
寞汪倫送遠情十載爲郎萬里使竹箱依舊羽
毛輕

三月浮家學志和蜀川秦水楚江過并無荒徑
難存菊幸有嬰兒喜夢莎夙昔鋒稜歸黯淡生
平涕淚盡吟哦鵬翼馬革何人事不及蘇門一
嘯多

黃湓聽蛙

夜泊蘆中人語稀江洲四月老蛙肥無端續續
聲高下若喚歸人急蚤歸

聲氣還同莫謂微池塘青草自青檄哀鳴盡付
東流水誰問田間是與非

謝客

畏愛兩無着宜其冷面多年來每自揣到處免
相過見要誠非喜逢人且抱疴平生寥落意獨
對大江沲

金位尋常事無之適可輕避人防冷面却贈免

時枰道路詩書氣襟裾河嶽精千秋誰見許復
有一成生

長安元夕

薄宦長安尚未休何知令節但知愁燈前花結
真無謂酒後吟多不自由鬼盡待年燕市鬪人
誰度日楚江秋可憐一嘆還三唱寂寞春深燕
子樓

晤徐子星年兄

縱有新交邈故知生平況不合時宜相逢各自

驚頭鬢當世何曾問口碑枕上驕人梁未熟井
中坐客眼猶窺年來併少彈冠興且盡春深酒
一卮

聞環極魏夫子將至京志喜

長安孰是開眉處却喜先生卽到京西首都人
頻悵望中原文物自盱衡君恩終有朝天日母
在初無捧檄情幾欲棄官同賀子何期旦晚侍
周程

十月初十日啟奏郎事 壬子工垣

寒風起處臣衣薄閭闔門深夜未終造物忌多
常恐敗憂時無策敢言忠攄愚幾見天顏霽
承問方知帝聽聰上問疏內事莫把唐虞稱往
代古今事業也相同

言志

吾生原不爲功名何況區區溫飽身只恐毀方
辜正獻安能阿世學平津悠悠此日隨多口斷
斷當時有个臣廊廟山林邀出處年來魂夢遶
江濱